

լեռներում, Նարեկի վանքում, Աղթամար, Լիմ, Կտուց կղզիներում և այլուր, բայց շուրջ բաժնի հազար անմեղ զոհ խեղ հունիսյան այդ աղետը Վանի շրջակա գավառներին: Ահալի ու սահմակեցուցիչ էր մանավանդ պատմական Փաշ-բերունիքի՝ Արճնշի գանգավածային կոտորածը, որը ղեկավարում էին համիդիեական զեղերի հրոսակապետները և որոնց անմիջական հրամաններով մի քանի գյուղերում հայ բնակիչներին կենդանի-կենդանի թաղեցին ցորենի հսկա հորերում, Արճնշի միայն վեց գյուղերի 580 ընտանիքներից կոտորածներից հետո մնացել էին 39-ը⁶¹: Ահավոր ջարդեր կազմակերպվեցին նաև Հայոց Ձորում, Գավաշում, Կարճկանում և այլուր: Վայրենաբար կոտորվեցին ու հրկիզվեցին Վասպուրականի համարյա բոլոր նշանավոր վանքերը: Պատմական բազմաթիվ հուշարձանների հետ միասին ոչնչացվեցին մեծ թվով թանկարժեք ձեռագրեր:

Գավառներում, սեկայն, եղան դեպքեր, երբ թուրք կամ բուրդ ավազանու առանձին ներկայացուցիչներ իրենց հովանու տակ առան և պատսպարեցին հայ ազգաբնակչությանը: Նշանակալի է հատկապես Մոկս գավառը, որտեղ Մուրթուլա բեյը թույլ չտվեց կոտորած կազմակերպել «իրեն պատկանող» տիրույթում և Մոկսը համարյա զերծ մնաց ջարդերից⁶²: Նույն ձեռք փրկվեց նաև Բերկրին: Ինքնապաշտպանության և զինված դիմադրության շնորհիվ, մի քանի շրջանների, հատկապես Շատախի, գյուղերը փրկվեցին կոտորածից:

Հունիսի 10-ին, ահավոր ջարդերից հետո, Սաադեղդինի թելադրանքով, Վանի անգլիական հյուպատոս Ուլյամսը համոզեց թեմական առաջնորդ Սահակ Բազրեանցից վարդապետին՝ հավաքել մի խումբ հայ մեծատունների, որոնք և Վանի հայության անունից շնորհակալական մի հեռագիր հղեցին «ամենակարող ու ողորմած» սուլթանին. Սեկայն նա անգործ եղավ կանխելու ոչ միայն այդ դեպքերից հետո սկսված ձերբակալություններն ու քրտորը, այլև փրկելու անգամ իր սեփական անձը: Նա արտաքսվեց Կ. Պոլիս՝ «սալաշխաբեկու»:

Նահանգի հայ բնակիչներից շատերն այդ մահտարածամի օրերին բռնի կրոնափոխվում էին⁶³: Սկսվեց նաև թալանված ու վշտաբեկ բազմությունների խելակորույս արտազգաթը դեպի հարևան երկրները՝ Ռուսաստան, Պարսկաստան և այլուր:

1896 թ. վերջերին Վանում վերստին իրարանցում սկսվեց: Շատերը խուճապահար փորձեցին ապավինել օտարերկրյա հյուպատոսություններին: Բայց շուտով արշուճահեղույթները կանխվեց: Վան հասած հուլիական բարենորոգումների իրագործման բարձրագույն կոմիտայի Շաքիր փաշան հեռագրեց Կ. Պոլիս՝ իրեն վերագրելով խաղաղության հաստատումը: Այս վերջին միջադեպը Վասպուրականի տարեգրության մեջ մտավ «փոքր դեպք» անունով, ի տարբերություն հունիսյան իրադարձությունների, որ կոչվեց «Վանի մեծ դեպք»:

6. ՀԱՅԿԱԿԱՆ ԶԱՐԴԵՐՆ ՈՒ ԽՔՆԱՊԱՇՏՊԱՆԱԿԱՆ ՄԱՐՏԵՐԸ

«Մայիսյան բարենորոգումների» շուրջը ծավալված աղմուկից հետո, թուրքական սուլթանը համոզվեց, որ եվրոպական տերությունները մտադիր

61 ՏՃ՝ ԲԱՔԱ, ֆ. Կոստանդնուպոլսի գեպանություն, 1898, գ. 1584:

62 ՏՃ՝ «Геноцид армян...», стр. 105—106:

63 ՏՃ՝ նույն տեղում:

չին հետամուտ լինելու իրենց պահանջների իրականացմանը: Նա որոշեց հայերի բողոքի արդար ձայնը խլացնել նրանց արյան մեջ, միջազգային հասարակայնությանը կանգնեցնել հայերին կոտորելու փաստի առաջ: 1895 թ. աշնանը Արևմտյան Հայաստանում սկսվեցին մինչ այդ Թուրքիայի պատմության մեջ իրենց նախորդը չունեցող հայերի զանգվածային կոտորածները:

Բարենորոգումներ անցկացնելու մասին լուրն ամենից շուտ ստացվեց Տրապիզոնում: Այդտեղ էլ 1895 թ. հոկտեմբերի 5-ին սկսվեց սարսափելի կոտորածը: 4. Պոլսի ֆրանսիական դեսպան Կամբոնը հոկտեմբերի 15-ի հաղորդագրության մեջ հայտնում էր. «մահմեդականներն առանց որևէ ազդանշանի միասին և միաժամանակ հարձակվեցին հայերի վրա»⁶⁴: Մաքսատան մոտ հավաքված մեծ թվով հայ մշակներ դարձան առաջին զոհերը: Նավահանգստի քաղաքի միջև գործավորներն նույն ճակատագրին արժանացան: Փողոցներում պատահած ամեն մի հայի տեղն ու տեղն սպանում էին, իսկ խանութ-



Հայերի ջարդը Տրապիզոնում 1895 թ. Պոսթ Լ. Ալվազովսկու

պաններին դուրս էին հանում և ջարդարարներին հանձնում: Հետո սկսվում էր խանութների կողոպուտը: Այդ բոլորը կատարվում էր զինվորների ու պետական պաշտոնյաների աջակցությամբ: Շրջակա հայկական գյուղերն ավերվում են, գյուղացիները, եկեղեցիներն ու բոլոր սրբավայրերը ոչնչացվում, հայերի մի մասին բռնությամբ կրոնափոխ են անում: Հայերին հասցված վնասը միայն Տրապիզոնում անցնում էր հինգ միլիոն ֆրանկից: Նույն բախտին է արժանանում նաև Սամսոն քաղաքի հայ բնակչությունը:

Սեպտեմբերի 30-ին ահավոր ջարդ է սկսվում Բաբերդում: Շատ կանայք մանուկներին զրկած իրենց նետում են քաղաքի մոտով հոսող ձորոխ գետը: 1895 թ. հոկտեմբերի 7-ին կոտորած է տեղի ունենում Դերջանի գավառում: Այստեղ միայն նրանք են կենդանի մնում, ովքեր համաձայնվում են կրոնափոխ լինել: Երզնկայի կոտորածի ժամանակ, հոկտեմբերի 9-ին, քաղաքը կողոպուտվում է, նշանավոր վանքերը ավերվում, իսկ 70 աչքի բնկնող հայ գոր-

⁶⁴ «Геноцид армян...», стр. 116.

ծիշներ բանտ են նետվում, որոնց մեծ մասը տանջամահ է արվում, նրանց հանցանքն այն էր, որ չէին համաձայնվել սուլթանին ուղղված շնորհակալական ուղերձն ստորագրել և երախտագիտություն հայտնել իրենց եղբայրներին՝ կոտորելու համար⁶⁵։ Կամայա գյուղաքաղաքում ևս կոտորածը ամենավայրենի տեսք է բնորոշում, իսկ Քղիի գավառակում հոկտեմբերի 10-ին սկսված ջարդերի զոհ են դառնում հազարից ավելի հայեր, ավերում են բազմաթիվ գյուղեր և մոտ 25 վանքեր ու կնդեցիներ։ Ֆաթաղանի զոհ դարձան նաև Բիթլիսի նահանգի հայ բնակիչները։ Ավազակախմբերը ոչնչացրին 102 հայկական գյուղ⁶⁶։ Բնակիչների մի մասը միայն կարողացավ փախչել լեռները, բայց դարձյալ չփրկվեց սովից ու ցրտից և մեծ զրկանքների ենթարկվելով, ոչընչացավ։

Սարսափելի շափերի է հասնում կոտորածը Եդեսիայում (Ուրֆա)։ Հոկտեմբերի 16-ին թուրքական կանոնավոր զորքը և ամբոխը հարձակվում են հայերի խանութների վրա, կողոպտում, ավերում ու հրկիզում։ Կառավարությունը մոլեռանդ խուժանին զենք է բաժանում և կոչ անում՝ կոտորել հայերին և զավթել նրանց ունեցվածքը։ Սակայն հայերը, հիմնականում ապրելով մեկ թաղամասում, կարողանում են դիմադրություն կազմակերպել և թշնամուն ետ մղել։ Հաջորդ օրը կառավարության նոր զինված ուժերը, ցեղապետներ ու ավազակապետները կատաղի հարձակում են սկսում։ Այս անգամ ևս հայերի հերոսական պաշտպանությունն անստատն է մնում։ Կառավարությունը հրաման է տալիս պաշարել հայկական թաղամասը և թեղանոթի հարվածներով ավերել այն։ Դա էլ չի օգնում։ Հայերն ուժեղացնում են պաշտպանական դիրքերը՝ Պաշարումը շարունակվում է ևս հիսուն օր։ Համոզվելով, որ ոչ մի կերպ հնարավոր չի դրավել հայկական թաղամասը, կառավարությունը այս անգամ դիմում է նեկզ քայլի, պաշարումը ձեականորեն վերացվում է և կարգադրություն է արվում խաղաղ աշխատանքի անցնել։

Դեկտեմբերի 16-ին քաղաքի հայերը իմանալով, որ նորից հարձակում է պատրաստվում, հատուկ պատգամավորություն են ուղարկում գավառապետի մոտ, խնդրելով, որ իրենց տրված ապահովության խոստումը կատարվի և հարձակումը կանխվի։ Դավառապետը հուսադրում է նրանց և իսկույն երեք հազար պահեստի զինվոր ու 1500 համիդիեական ուղարկում՝ իբր հայկական թաղամասը պաշտպանելու։ Կես ժամ շանցած սկսվում է անզեն հայերի կոտորածը։ Ավերածությունը, կողոպտան ու կոտորածը ահավոր շափերի են հասնում։ Մեծ թվով կանայք և երեխաներ փակվում են եկեղեցում։ Սակայն դահիճները ջարդում են եկեղեցու դուռը, անպաշտպանների վրա նավթ լցնում և այրում։ Այդ ահավոր ջարդերին զոհ դարձավ յոթ հազարից ավելի հայ։ Ողջ մնացածներից էլ մեռնում էին օրական 10—15 հոգի՝ «իրենց վերքերից կամ սարսափելի տեսարանների սոսկումից»։ Եդեսիան ավերակների մի կույտ էր դարձել⁶⁷։

1895 թ. հոկտեմբերի 16-ին սկսվում է կոտորածը Շապին Կարահիսարում։ Չնայած հերոսական ինքնապաշտպանությանը, համարյա ամբողջ հայ բնակչությունը սրի է քաշվում։ Հայերի ունեցվածքը կողոպտվում է, տները՝

65 Տե՛ս «Արաբ», գիրք Բ, 1894—1895, Ս. Պեմերբուրգ, 1897, էջ 132։

66 Տե՛ս «Геноцид армян...», стр. 89—90.

67 Տե՛ս «Արաբ», գիրք Բ, էջ 135—136։

ավերվում։ Քաղաքում զոհվածների թիվը 2 հազարից ավելի էր։ Ավերվում են շրջակա 30 հայկական գյուղերը, սպանվում ավելի քան 3 հազար մարդ։

Կարինում, հոկտեմբերի 18-ին, զոհվում են 400 հոգի, ավերվում ու կողոպտվում է 1500 խանութ։ Չեն փրկվում նույնիսկ կառավարական ատյանում որոշ պաշտոններ ունեցող հայերը։ Կարնո դաշտում նույնպես սարսափելի վիճակ էր տիրում։ Հայկական գյուղերից 40-ը կողոպտվում ու ավերվում է, իսկ 3-ը բռնի մահմեդականություն են ընդունում։ Հասան Կարի վանքը կողոպտելուց հետո, բարբարոսները Տիմոթեոս վարդապետին իր 6 միաբանների հետ մորթում, ապա դիակները այրում են։ Հոկտեմբերի 21-ին ամբողջովին ավերվում են հայերին պատկանող տները և մոտ 20 եկեղեցիներ։ Սպանվում են ավելի քան 1500 հայեր։

Մեծ ավերածության է ենթարկվում Խարբերդը։ Հոկտեմբերի 26-ի կոտորածին զոհ է գնում ամբողջ քաղաքը՝ բացի մեկ թաղից, Հայկական եկեղեցիներն ու դպրոցները ամբողջովին ավերվում են։ Մինչև անգամ չի փրկվում բողոքականների նշանավոր կոլեջը։ Խարբերդի մոտ 55 գյուղերից ոչ մեկի եկեղեցին կամ ուսումնարանն աղատ չէր մնացել ավերիչների հարվածներից⁶⁸։ Այստեղ նախօրոք զինվորական պահեստներից ավազակախմբերին զենք էր բաժանվել։ Ստեղծվել էին նաև հատուկ ոստիկանական ջոկատներ, որոնց խնդիրն էր իբր ապահովել հայերի պաշտպանությունը։ Հենց այդ ջոկատներն էլ գիշերը գյուղացու հագուստով ուղարկվում էին հայերին կողոպտելու և կոտորելու։

Հոկտեմբերի 10-ին սկսվեցին Չարսանջակի շրջանի կոտորածները։ Գյուլազանիները հերոսական մարտերով ետ մղեցին ջարդարարներին։ Սակայն նրանք, զոհաբաշխված, հավատացին կառավարության ներկայացուցիչներին և հնարավորություն տվեցին օգնելու պատրվակով ժամանած ոստիկաններին գյուղ մտնելու։ Մուտք գործելով հայերի տները, նրանք անմիջապես սկսեցին կոտորածը, կողոպտում ու բնակարանների հրկիզումը։

Նույն օրը երեկոյան սկսվեց հարձակումը Բերդակ, Կուլուօլու, Հարսիկ, Տշորկուխ, Կորեն, Յարուկ, Բեզուշեն, Կուկուխ և այլ գյուղերի վրա։ Ամենուր ծավալվեց սարսափելի ջարդը, կողոպտուքը, ավերումն ու հրկիզումը։ Այդ ահավոր կոտորածը գլխավորում էր վայրագ ցեղապետներից մեկը՝ Սուլեյման բեյը։ Մի օրում ավելի քան 300 հայ սպանվեց։ Ավերվեցին և հրկիզվեցին նաև Զիլմե և Ուլուլ-Օվա գյուղերը։ Զարդարարներից պաշտպանվելու համար գյուղացիները հավաքվել էին եկեղեցում, բայց այնտեղ էլ նրանք փրկություն չգտան։ Բարբարոսները շրջապատեցին եկեղեցին ու հրկիզեցին։ Մովթի բնակիչները թողել էին գյուղը և հեռացել։ Բայց մի քանի օր հետո, հավատարմով պետական պաշտոնյաներին, վերադարձան գյուղ և արժանացան նույն ճակատագրին։ Կուկուլու գյուղի 2000 բնակիչներ կատաղի դիմադրություն ցույց տվեցին⁶⁹։ Սակայն ի վերջո նրանք ստիպված էին թողնել հայրենի վայրերը և հեռանալ։ Գյուղը ամբողջովին ավերվեց։ Բայրում զոհված հայերի թիվը 1200-ից ավելի էր, իսկ 250 կանայք առևանգվել էին։ Արաբեկիբում զոհվեցին 2800, Թորթումում՝ 500 հայեր⁷⁰։

68 Նույն տեղում, էջ 139։

69 Տե՛ս «Геноцид армян...», стр. 83—84.

70 Տե՛ս «Արաբք», գիրք Բ, էջ 140։

Ջարդերը Մալաթիայում սկսվեցին 1895 թ. հոկտեմբերի 23-ին, որտեղ նույնպես նախօրոք զենք էր բաժանվել մոլեռանդ ամբոխին⁷¹։ Ջարդի հենց նախօրյակին, զգալով վերահաս վտանգը, հայերը փակել էին խանութները և աշխատանքը դադարեցրել։ Քաղաքի կառավարիչ Ալի Բեգ փաշան իր ներկայացուցիչներին ուղարկում է բոլոր թաղամասերը, առաջարկելով սկսել աշխատանքը, վստահեցնելով, որ ոչ մի վտանգ չկա։ Հավատարմով, հայերը բացում են խանութները, Կառավարիչը միաժամանակ խորհրդակցության է հրավիրում քաղաքի աչքի ընկնող մարդկանց՝ թվով 40 հոգի։ Գրիգոր աղա Ասլանյանը, կոհակելով կազմակերպվող դավադրությունը, չի ներկայանում։ Նա շատերին է հորդորում չզնալ կառավարչատուն և խանութներն էլ չբանալ։ Կառավարչատանը հավաքված հայերին առաջարկում են կրոնափոխ լինել, նրանք մերժում են և տեղնուտեղը նահատակվում⁷²։ Կառավարչի հրահանգով թուրք զինվորներից մեկը շուկայում սպանում է մի հայ վաճառականի, որից հետո սկսվում է ընդհանուր ջարդը։

Քահանա եղիշե հաշատրյանն անմիջապես կազմակերպում է Մալաթիայի շուկային մոտ գտնվող հայկական թաղամասերի պաշտպանությունը։ Հորհրդակելով այդ թաղամասերը, թշնամին ստիպում է պաշտպաններին ետ նահանջել, Կոիվներին հերոսաբար մասնակցում էին Գրիգոր Ասլանյանը, Գրիգոր Անանյանը, Գրիգոր Մարտիրկյանը և ուրիշներ⁷³։ Քաղաքի Չաթալքանդ կոչվող մասից սկսվում է թուրքական խուժանի հարձակումը, որը վտանգի տակ է դնում հարազատի թաղամասը։ Պետրոս Բոնապարտյանի կոչով բոլորը ոտքի են ելնում, Այդ թաղամասում գտնվող ոստիկանական զորամասը փախուստի է դիմում, թողնելով բավականաչափ զենք ու փամփուշտ։ Սկսվում են պաշտպանական կատաղի մարտերը։ Թուրքերն ստիպված զինադադար են հայտարարում, որից հետո հանկարծակի հարձակվում են եկեղեցու վրա։ Այստեղ Եղիշե հաշատրյանի և Թորոս Բեքմեղյանի ղեկավարած զորհից թշնամին մեծ կորուստներ տալով ետ է քաշվում։ Այդ կոիվներում հատկապես աչքի է ընկնում Դեռոզ Պողոսյանը։ Բազմաթիվ կանայք օգնում են կռիվներին, ջուր ու սնունդ մատակարարում նրանց⁷⁴։

Այդ ընդհարումների ժամանակ գտնվեցին նաև բարեկամությանը հավատարիմ մահմեդականներ, որոնք անձնվիրաբար պաշտպանեցին հայերին։ Այդպիսիներից էին շարմուղեցի Մատոն, որն իր տան մեջ պատսպարեց և փրկեց 35 հայերի կյանքը, Հաջի Արզուլյան, Հաջի Հուսեյինը և ուրիշներ, որոնց քանքերով շատ հայեր փրկվեցին⁷⁵։ Սակայն ջարդի հետևանքով Մալաթիայում սպանվեց 3 հազարից ավելի մարդ, և այրվեց մոտ հազար տուն։

1895 թ. նոյեմբերի 3-ին ջարդեր սկսվեցին Մարզվանում։ Երբ այդ օրը հայերը բացեցին խանութները և սկսեցին առևտուրը, զինված ամբոխը, կանխավ նախապատրաստված զորամասերն ու մոտակա գյուղերից եկած ավազակամբերը շարժվեցին դեպի շուկա և կողոպտեցին ու ոչնչացրին հայերի բոլոր խանութները։ Այնուհետև թուրքերը հարձակվեցին հայկական թաղամա-

71 Տե՛ս «Պատմություն Մալաթիոյ հայոց», էջ 885։

72 Տե՛ս նույն տեղում, էջ 886։

73 Տե՛ս նույն տեղում, էջ 887։

74 Տե՛ս նույն տեղում, էջ 890։

75 Տե՛ս նույն տեղում, էջ 892։

սերի վրա, բայց բնակչությունը վճռական դիմադրությամբ եւ մղեց նրանց։ Այդ օրը սպանվեց մոտ 100 և վիրավորվեց 500 մարդ։ Դաժանությունը հասավ այնտեղ, որ արգելվեց վիրավորներին օգնել և դեղորայք հասցնել։ Կողոպտվեցին և ավերվեցին 1500 խանութ, բազմաթիվ հայկական տներ։ Նյութական կորուստը մեծ չափերի հասավ⁷⁶։

Այդ սարսափելի զեպերից հետո դրությունը Մարզվանում շարունակում էր լարված մնալ։ Հայերը զեռուս պաշարված վիճակում էին։ Շատերը մահանում էին քաղցից և ջրի պակասությունից։ Հայկական թաղամասերին ջուր չէր մատակարարվում։ «Կարգը վերահաստատելու» համար քաղաք է ժամանում Արզուլա փաշան։ Հայերի ներկայացուցիչները խնդրում են փրկել իրենց։ Փաշան լստիաբար պատասխանում է. «Հայերին զսպելու նպատակով կառավարությունը մոբիլիզացրեց 150 հազար զինվոր ու կարգ ու հանգստությունը ապահովելու համար մտադիր է հայերին ամբողջովին ոչնչացնել»⁷⁷։ Խույր ջարդարարները ճգնում էին իրենց հանցագործությունն արդարացնել նրանով, թե իբր հայերը ցանկացել են ապստամբություն բարձրացնել, իսկ իրենք ճնշել են ապստամբներին։

Սղերդի շրջանի գյուղերում նրանք հայ բնակչության մի մասին կոտորեցին, իսկ կենդանի մնացածներին ստիպեցին մահմեդականություն ընդունել։ Եկեղեցիները ոչնչացվեցին կամ մզկիթների վերածվեցին։ Բասենի մոտ գտնվող սուրբ Աստվածածին վանքն ավերվեց, իսկ վանահայր Կարապետը բռնի կրոնափոխ արվեց։ Կեղտուն սուրբ Կիրակոս վանքը նույնպես ավերվեց, իսկ վանահայրը՝ Պողոս Խաչատրյանը սպանվեց։ Ավիրվեց նաև Սարիի սուրբ Աստվածածին վանքը։ Խիզանի շրջանի 40 հայկական գյուղերում սպանվեցին 400 մարդ։ Մամրտանի շրջանի 20 հայկական գյուղերում սպանված հայերի թիվը հասավ 160-ի, կոտորածից ազատվածներն ստիպված հավատափոխ եղան։ Ավիրվեցին Շատախի շրջանի հայկական բոլոր գյուղերը։ Շաքիի բանդան ավերել էր Նորդուզի և Հայոց Զորի հայկական գյուղերը։ Մեծ զոհեր տվեց սուրբ Վարդան գյուղը։ Կենդանի մնացածներին ոչինչ չէր մնում անել, բան դառնալ անօթևան մուրացկաններ։ Նույն վիճակին արժանացան նաև Արտամետը, Սըվստան և Կենրանց գյուղերը⁷⁸։

Մուշում հարձակումը հայերի վրա սկսվեց շուկայից։ Սակայն բնակչությունն անմիջապես դիմադրություն կազմակերպեց։ Անգլիական հյուպատոս Հեմքոտնի միջամտությունը եւ նպաստեց հարձակումը կանխելուն, սակայն շրջանի գյուղերն ավերվեցին և բնակչությունը կոտորվեց։ Գյուլմուշխանի շրջակայքում ավերվեց 11 գյուղ, Զիլուսում կոտորածն սկսվեց նոյեմբերի 28-ին, որտեղ զոհվեցին 200 հայեր, Ամասիայում՝ 100, Հալեպում՝ 1000⁷⁹ և այլն։

Դիարբեքիում ջարդը սկսվեց 1895 թ. նոյեմբերի 1-ի առավոտյան։ Սարսափելի կոտորածից հետո շուկայում կողոպտվեցին հայերի խանութները, ապա հրկիզվեցին։ Մի շարք հայկական թաղամասերում զենք ունեցողներն սկսեցին պաշտպանվել։ Նաճանգապետը, զորքերի հրամանատարը, ոստիկանապետը ոչ միայն չէին փորձում արգելել ջարդը, այլև ոգևորում էին ու զըլ-

76 ՏՆ՝ «Геноцид армян...», стр. 79—80.

77 Նույն տեղում, էջ 81.

78 ՏՆ՝ «Անարատ», 1896, մայիս, էջ 90.

79 ՏՆ՝ նույն տեղում, էջ 95.

խավորում: «Ոստիկանությունը և զորքը միջամտում էին միայն նրա համար, որպեսզի հարվածենին զոհերին»⁸⁰:

Դիարքեթիի ահավոր կոտորածին զոհ դարձան հայերը, հույները, ասորիները և ուրիշ քրիստոնյաներ: Հայերից սպանվեց ավելի քան 1000 մարդ, մոտ 300-ը վիրավորվեցին: Կողոպտվեց և ավերվեց 1500 տուն, հրկիզվեց 2000 խանութ: Դրանից բացի Դիարքեթիի նահանգում ավերվեց 119 հայկական գյուղ՝ 6000 ընտանիքով: Սպանված և անհայտացած բնակիչների թիվը հասնում էր 30 հազարի:

Կոտորածը մեծ չափերի հասավ նաև Սեբաստիայում, որտեղ նույնմերի 12-ին սպանվեց մոտ 1000 մարդ⁸¹:

Երզնկայում ահաբեկված բնակչությունը դիմել էր տեղական իշխանության պաշտպանությանը, վերջինս պատվիրել էր հանգիստ լինել: Սակայն քիչ անց տեղական իշխանության հրամանով շարդ էր սկսվել: Տրապիզոնի նահանգապետ Կադիր բեյը հավաստիացրել էր, որ հայերը միանգամայն ապահով են, որ թի դիակի վրայով միայն կհարձակվեն հայերի վրա»: Այդ նույն ժամանակ «Տեղական իշխանությունը թուրքերին խմբերի էր բաժանում, նրանց զենք ու փամփուշտ տալիս և նշանակում հարձակվելու օրը...»⁸²: Կոտորածը Կադիր բեյի պլանով էր սկսվել: Նրա ցուցումով առաջին հերթին պետք է ոչնչացվեին աչքի ընկնող և ազդեցիկ հայերը:

Հայերին խաբելու համար տեղական իշխանությունները որոշ վայրերում ձևականորեն ձեռքարկում էին շարդարարներին, ապա նորից ազատում: Արաբկիրում հրահանգված էր, որ թուրքերը շարդը սկսեն իրենց հայ ծանոթի և ընկերոջ սպանությամբ⁸³: Թուրք շարդարարներն ամեն կերպ հրահրում էին նաև ազգային ու կրոնական ընդհարումներ: Իրենց արարքներն արդարացնելու, հայերին մեղադրելու նպատակով նրանք հորինում էին, որ իբր հայերը նախապատրաստվում են ապստամբության, ցանկանում են պետական հեղաշրջում կատարել և ոչնչացնել թուրք ու քուրդ բնակչությանը: Սուտ լուրեր էին տարածում, մինչև անգամ հեռագրի ուղարկում Կ. Պոլիս, թե հայերը ոչնչացրել են մզկիթները, սպանել հազարավոր մահմեդականների: Տեղական և կենտրոնական իշխանությունները բնակչությանը հրահանգներ էին տալիս շտապել հայերին ոչնչացնելու, քանի դեռ նրանք չէին սկսել մզկիթներն ավերել: Մուշում մի պաշտոնական անձ լկտիարար հայտարարել է. շարդարարները «գործում էին հիմարաբար. մենք նրանց հրաման էինք տվել ոչնչացնել հայերին, իսկ նրանք ավելի շուտ կողոպտում էին, քան թե սպանում»⁸⁴:

Ուրջայում Հասան փաշան դիմելով ամբոխին հայտարարեց. «Ոտքի ելեք... ձեզ տրված է 48 ժամ, կոտորեցեք բոլոր գյավուրներին և նրանց հարստությունը ձեզ կպատկանի»⁸⁵: Հասան-Մանգարում շարդարարները հայերի վրա հարձակվելով, գոչում էին. «Մահմեդականություն ընդունեք, եթե ոչ բոլորիդ էլ սրի կքաշենք», իսկ Այնթափում գոռում էին. «Կտեսներ, որ ոչ մի գյավուրի կենդանի չենք թողնի»:

80 Նույն տեղում:

81 ՏԵՍ նույն տեղում, էջ 122:

82 Նույն տեղում, էջ 124:

83 ՏԵՍ նույն տեղում, էջ 125:

84 Նույն տեղում, էջ 126:

85 Նույն տեղում, էջ 127:

Վանից գրված մի նամակում նշված էր, որ միայն 8 շրջաններում ավերված եկեղեցիների ու վանքերի թիվը հասել է 120-ի: Իսկ Մարաշում ավերվել և սրբապղծվել էր նույնիսկ Հայկական գերեզմանատունը: Բիթլիսում, Բաբերդում, Սղերդում և Բաղմաթիվ այլ վայրերում եկեղեցիները մզկիթների էին վերածվել: Կենդանի մնացած Հայերի մի մասը, ուրիշ ելք չունենալով, մահամեղականություն էր ընդունում: Արաբկիրի բնակչությունը, որ հրաժարվեց մահմեդականություն ընդունելուց, հաջորդ օրը ենթարկվեց սարսափելի չարդի⁸⁶:

Կոտորածից հետո անօթևան և անօգնական բնակչությունն իր գոյությունը պահպանելու համար դիմում էր վերջին միջոցին՝ մուրացկանության: Տրեսպի-զոնից ուղարկված մի նամակում գրված է. «Մենք չունենք ոչ տուն, ոչ տեղաշոր, ոչ հաց»: Աղթամարի կաթողիկոս Խաչատուրը, նկարագրելով Հայերի ողբալի վիճակը, գրում էր. «Մեծ բանակությամբ երեսաններ որբացել են, ամենուր կարելի է հանդիպել իրենց տղաներին ու աղջիկներին որոնող ծնող-ներին»⁸⁷:

Այս շարիքներից հետո վրա հասած 1895—1896 թթ. խիստ ցրտաշունչ ձմեռը, սովն ու համաճարակը եկան ջարդի պակասը լրացնելու:

Հայկական ջարդերի ահավոր ալիքը զավառներից անցավ Կոստանդնուպոլիս, Կոտորած աստիղ տեղի ունեցավ 1896 թ. օգոստոսին: Ցանկանալով մեծ տերությունների ուղադրությունը հրավիրել Հայկական հարցի վրա, 1896 թ. օգոստոսի 14-ին Կ. Պոլսում դաշնակցական մի խումբ գործիչներ, իրենց հետ ռումբեր վերցնելով, մտնում են օսմանյան բանկը, այն գրավում ու 12 ժամ պահում իրենց ձեռքում: Միաժամանակ քաղաքի տարբեր մասերում դաշնակցականները ելույթներ են ունենում և տեղոր կազմակերպում: Քաղաքում մեծ իրարանցում է սկսվում: Կառավարական զորքը շրջապատում է բանկը: Սակայն այնտեղ փակվածները ռումբեր են նետում պատուհաններից և սպառնում հօգս ցնդեցնել բանկը⁸⁸: Կառավարությունը հարկադրված զորքը ետ է քաշում և դիմում մեծ տերությունների դիվանագիտական միջնորդությանը: Դաշնակցության Կ. Պոլսի կոմիտեն մի հայտագիր է ներկայացնում վեց տերությունների ղեկավարներին և պահանջում բարենորոգումների իրագործում Արևմտյան Հայաստանում: Ռուսական ղեկավարության ներկայացուցիչ Մարսիմովին հաջողվում է համոզել բանկը զրավողներին թողնել այն և տեղափոխվել մոտակա նավահանգստում սպասող շոգենավը, խոստանալով, որ մեծ տերությունների ղեկավարները կբավարարեն նրանց պահանջները և թույլ կտան անցնել Եվրոպա: Հաջորդ օրը առաջիկայի նրանց մոտ են գալիս Ֆրանսիական և ռուսական ղեկավարների ներկայացուցիչները և խարված «Հերոսներին» հայտատարում, որ նրանց «ծրագիրը հիմարության և անհեռատեսության արդյունք» է: Ֆրանսիական նավը նրանց հեռացնում է Թուրքիայի ափերից⁸⁹:

Այդ դեպքից հետո կառավարության կողմից նախապատրաստված զինված ամբոխը՝ երեք օր և երեք գիշեր շարունակ անխնա կոտորեց անմեղ և անպաշտպան հայերին⁹⁰: Կոտորածին զոհ զնաց 10 հազար մարդ:

Ֆրանսիական «Սիդոն» նավի անձնակազմի անդամներից մեկը վկայում

⁸⁶ Տե՛ս նույն տեղում, էջ 131:

⁸⁷ Նույն տեղում, էջ 133:

⁸⁸ Տե՛ս Ան. Թուրքահայ հեղափոխության գաղափարաբանությունը, հ. Բ, էջ 26:

⁸⁹ Տե՛ս նույն տեղում, էջ 27:

⁹⁰ Տե՛ս «Արաբս», գիրք Բ, էջ 148—149:

է, որ կոտորածն սկսվեց սարսափելի կատաղությամբ: Կոստանդնուպոլսի փոխադրական և կապի միջոցները միանգամից կանգ առան: Քաղաքի «տարրեր մասկորում սկսվեց սարսափելի իրարանցում: Մահակների և սրերի հարվածներեց փողոցներում ու մայրերի վրա տեղն ու տեղը ընկնում էին սպանված հայերը: Զբաղարարվելով դրանով, թուրքերը խմբերով ներխուժում էին տները և շարունակում ջարդը»⁹¹: Ոստիկանությունն իր կազմակերպած շարագործության հետքերը թաքցնելու համար դիակները հավաքում և նետում էր Բոսֆորից Մարմարա ծովն անցնող ուժեղ հոսանքի մեջ: Հաջորդ օրը ջարդը շարունակվեց, իսկ քաղաքում իրենց շքախմբով հանգիստ անց ու դարձ էին անում ոստիկանապետներն ու թուրք փաշաները: Կարծես թե ոչինչ չէր կատարվում ու նրանք ոչինչ չէին նկատում: Ֆրանսիացի նավաստին գայրույթով նշում է. «Մի բան, որ շատ տարօրինակ տպավորություն թողեց, դա այն էր, որ այդտեղ՝ ծովափնյա նավահանգստում շարված բազմաթիվ նավերը, որ ներկայացնում էին բոլոր եվրոպական տերությունները, դարձան համատարած կոտորածի անտարբեր ականատեսներ»⁹²:

Վեց տերություններն առաջարկել էին ջարդը դադարեցնել, «բայց և այնպես զեռ ամբողջ երկու ամիս սարսափը տիրում էր Կ. Պոլսում և ամենաշնչին առիթը բավական էր նոր իրարանցում առաջ բերելու»⁹³:

Կ. Պոլսից հետո սեպտեմբեր ամսին սոսկալի կոտորած եղավ Ակնում: Այստեղ հայերի 1100 տնից հազիվ 150-ը մնացին, մյուսները հիմնահատակ ավերվեցին, ժամանակակիցների վկայությամբ. «Ակնից 40—50 մղոն հեռավորության վրա նկատել են նփրատ գետում լողացող բազմաթիվ դիակներ: Բոլոր փաստերը ապացուցում են, որ կոտորածը կազմակերպվել է պաշտոնական շրջանների կողմից՝ առանց որևէ պատճառի... Զոհերը որևէ դիմադրություն ցույց չեն տվել և թուրքերից ոչ մեկը չի սպանվել, բացի նրանցից, որ սպանվել են հետո, ամենայն հավանականությամբ կողոպուտը բաժանելու ժամանակ: Այդ մասերում քրդեր չեն եղել: Ամբողջը կատարել են քաղաքացիները (թուրքերը—խմբ.) և զինվորները: Կոտորածը տարածվել է նաև Ակնի շրջակա գյուղերում...»⁹⁴:

Թուրքերն ամեն կերպ ձգտում էին իրենց շարագործություններն արդարացնող պատրվակներ հորինել, մինչև անգամ կեղծ փաստաթղթեր սարքել: Թուրք շինովնիկներն ամեն առիթով ձեռքակալում էին հայերին, նրանց տանջանքի ենթարկում, ստիպում ստորագրել կեղծ փաստաթղթեր, հորինում մարդկանց՝ հեղափոխական կազմակերպություններին պատկանելու ցուցակներ, ապա պետության դեմ ապստամբություն պատրաստելու մեղադրանքներ բարդում նրանց վրա: Այդ նոր զոհերին ձերբակալելով, հաշվահարդար էին տեսնում նրանց հետ: Նրանք այդպես վարվեցին Բաբերդում, որտեղ 1896 թ. հոկտեմբերի 27-ին հայերի նկատմամբ կեղծ դատավարություն սարքեցին⁹⁵: Բոլոր մեղադրյալներն էլ աչքի ընկնող հայ գործիչներ էին, որոնց հետ թուրքական իշխանությունները վաղուց էին պատրաստվում հաշվահարդար տեսնել:

1897 թ. մարտի 27-ի հաղորդագրությամբ Սերասիալում անգլիական

91 «Братская помощь пострадавшим в Турции армянам», стр. 75.

92 Նույն տեղում, էջ 78:

93 «Արար», գիրք Բ, էջ 149:

94 «Геноцид армян...», стр. 112—113.

95 Տե՛ս նույն տեղում, էջ 113—114:

Հյուպատոս Բյուլմանը հայտնում էր Կ. Պոլսի անգլիական դեսպան Քերրին, որ Թորատում տեղի ունեցող հայկական ջարդը կազմակերպել էին պետական իշխանությունները⁹⁶։ «Մաշալլահ» կրոնամոլ կազմակերպությունը, որ հիմնվել էր ժխտման պաշտպանության և գյավուրներին քնաջիշն անելու համար⁹⁷, առկայի անունից հրահանգ էր ուղարկել՝ տեղերում հայկական ջարդեր սկսելու մասին։ Եղած փաստաթղթերն անհերքելիորեն ապացուցում են, որ կոտորածի կազմակերպման գործում գլխավոր դերը խաղացել են զավառապետը, զորքերի տեղական գլխավորը և ոստիկանապետը⁹⁸։ Թորատի կոտորածը դեսպանական միջնորդության առիթ տվեց։ Ստեղծվեց քննող հանձնաժողով, որը բարի «ծառայությանամբ» 130-ի չափ բանտարկված շարագործների այս կամ այն ձևով արդարացրեց և ազատ արձակեց, իսկ հայերին մեղադրեց իշխանության հրամանը չկատարելու և խանութները չբացելու մեջ։

Իշխանությունները խիստ պատժում էին բոլոր նրանց, ովքեր որևէ պաշտպանություն կամ աջակցություն էին ցույց տալիս հայերին։ Սակայն դրացի մահմեդականների մեջ կային այնպիսիները, որոնք, վտանգելով իրենց կյանքը, պաշտպան էին կանգնում տարաբախտ հայերին։ Ամասիայում տեղի ունեցած անկարգության ժամանակ մի շարք մահմեդականներ թաքցրել և պահպանել են հայերին։ 13 տարեկան մի թուրք աղջիկ, որի անունը հայտնի է, տան պատից անցք էր բացել և այնտեղից 15 հայերի ներս թողնելով՝ թաքցրել էր⁹⁹։

Հայ ժողովրդի վիճակը ծանրանում էր նաև դաշնակցության գործունեության հետևանքով։ Արկածախնդրություն էր, անշուշտ, դաշնակցության կազմակերպած խանասորի արշավանքը։ 1897 թ. դաշնակցականների հրահանգով մոտ 100 ձիավոր և հետևակներ հանկարծակի հարձակվեցին Պարսկաստանի սահմանագլխին գտնվող Շարաֆ բեյի գլխավորած մազրիկ բրդական ցեղախմբի վրա։ Եղան երկուստեք զոհեր։ Բեյը կարողացավ փախուստի դիմել և հետագայում պատուհաս դարձավ Մուշի գյուղերի համար. ավերեց 7 հայկական գյուղ։ Խանասորի այս արկածախնդրությունը, սակայն, դաշնակցությունը համարեց իր կարևոր գործերից մեկը։ Խանասորի ձախողված արշավանքի հետևանքով թուրքական կառավարությունն ուժեղացրեց բռնությունները ոչ միայն երկրի ներսում, այլ նաև հարկադրեց պարսկական կառավարությանը այնտեղ ևս խուզարկություններ կատարել և հետապնդել հայ վտարանդիներին ու ազատագրական շարժման ակտիվներ գործիչներին։ Կովկասից Թուրքիա եկող խմբերն անցնում էին Սալմաստի վրայով և այստեղ ստանում զենք ու ամեն կարգի աջակցություն։ Թուրքական կառավարությունը Սալմաստ ուղարկեց խոյի հյուպատոս Ռզա բեյին, որի մասնակցությամբ պարսկական կառավարությունը մասսայական խուզարկություններ կատարեց՝ հայ գործիչներին թուրքական կառավարությունը հանձնելու համար։ Հանկարծակի խուզարկություն սկսեցին Փայազուկում, սակայն տեղի իշխանության բարյացակամ վերաբերմունքի շնորհիվ Ռզա բեյը ձեռնադարձավ¹⁰⁰։

96 Տե՛ս նույն տեղում, էջ 135։

97 «Արաբա», գիրք Բ, էջ 153։

98 Նույն տեղում։

99 Տե՛ս «Геноцид армян...», стр. 136.

100 Տե՛ս «Պատմություն Ս. Դ. Հեռական կուսակցության, 1887—1962», Հ. Ա, Պեյրուք, 1962, էջ 212։

Այդ ամենի հետևանքներն զգալով, հայ շինականը սկսեց երես թեքել իրեն հեղափոխական կոչող զաշնակցությունից: «Դրոշակը» ստիպված էր 1901 թ. գրել. «Հեղափոխական փրկարար գաղափարը սոսկալի փորձանքի էր ենթարկվել 1895—1896-ի աղետներից հետո: Ընդհանուր հիասթափություն և ետընդաման մի անմիտ, բայց իր անմտության մեջ ուժեղ տարերային մի հոսք էր տիրել մեր հասարակության բաղձազան խավերին: Սարսափահար մեծամասնությունը անեծքներ կարդաց մեր շարժման հասցեին...»¹⁰¹:

Ահավոր ջարդերից, աղբատությունից ու ավերածությունից հետո նոր ուժով ծայր առավ պանդխտությունը: Պանդուխտների մեջ մեծ թիվ էին կազմում մշեցիները, որոնք գնում էին հեռավոր երկրներ, մշակություն անում՝ մի կտոր սև հաց վաստակելու: «Ածուխի բեռնակիրներ են անոնք առհասարակ, որոնք իրենց վաթից ճարելու համար դատապարտված են շարունակ սև փոշիներու մեջ պարտրվիլ, շարշարվիլ...»¹⁰², Իսկ նրանց ընտանիքները տարիներ շարունակ սպասում են «ծայր աստիճան նեղված չքավորության, տառապանքի և հազար ու մեկ մարդկային նեղություններու մեջ...»¹⁰³: Պանդուխտները իրենց ողջ կյանքը նվիրած են «իբնեցներուն բարօրությանը, օր մը առաջ անոնց քով ժամանելուն կջանան...»¹⁰⁴:

Վասպուրականում և մի շարք վայրերում 1899 թ. երաշտի պատճառով բերքը փչացավ: Սակայն դաժան հարկահավաքները ամենայն խստությամբ պահանջում էին սուրբերը: Շատերը «բռնի պահանջներն վախենալով, ձգեցին իրենց կիները և զավակները, լեռները փախան, մինակ Ավերակ գյուղեն հարյուր հոգի մեկ գիշերվան մեջ խույս տվին դեպի պարսկաց և Ռուսիո սահմանագլուխը»¹⁰⁵: Սույն ու աղքատությունը ծայր աստիճանի հասավ: Վանից մեկը օգնություն խնդրելով իր նամակը ավարտում է հետևյալ տողերով. «Ողորմացեք մեզի, երբայրներ, դուք որ օտար երկրի մեջ եք և քիչ-շատ կվաստակիք, զթացեք մեր վրա, դուք, որ գիշերները պատառ մը հաց ունիք ուտելու և անկողին մը քնանալու»¹⁰⁶:

Արյունոտ սուլթանի ջարդարարական մոլուցքը այդ ամենից հետո էլ ղեկն հագուրդ չէր ստացել:

Էրզրումի ուսական հյուպատոսի քարտուղար Շախովսկին 1900 թ. օգոստոսի 29-ի գրության մեջ հայտնում էր, որ սուլթանի պալատից ստացված հրամանով Բիթլիսի պարետ Ալի փաշան նոր ջարդ է կազմակերպել Սասունի շրջանի Սպաղանք գյուղում: Այդ փառաբեր նորից է հաստատում, որ թուրքական կառավարությունը հետևողականորեն ստիպում էր Սասունի լեռնաբնակ հայերին թողնել իրենց բնակավայրերը և փոխադրվել Մուշի զաշտավայրը. կամ ընդհանրապես, հարկադրում նրանց հեռանալ Փոքր Ասիայից¹⁰⁷:

Վանում, Մուշում և Սասունում տեղի ունեցող ջարդերի մասին խոսելով, ռուսական ղեսպան Զինովկը 1901 թ. սեպտեմբերին հայտնում է Պետերբուրգ, որ թուրքական կառավարությունը անչափ ծանր հարկեր է նշանակել և շա-

101 «Դրոշակ», 1901, № 7:

102 «Շարժում», № 179, 1899, Վանա, «Մշեցի պանդուխտներ»:

103 Նույն տեղում:

104 «Շարժում», № 188, 1899, «Վասպուրական»:

105 Նույն տեղում:

106 Նույն տեղում:

107 S. S. «Геноцид армян...», стр. 142.

քունակելով հայկական ջարդերը, անելտնելի վիճակ է ստեղծել հայերի համար, որի նպատակն է «հայերին ստիպելու հեռանալ Սասունի լեռներից, որտեղ նրանք հնարավորություն ունեն պաշտպանվելու ավազակային հարձակումներից...»¹⁰⁸:

Ջարդերի և ավերածությունների հրդեհը դեռևս մի տեղում չմարած, թուրքական իշխանությունները մեկ ուրիշ տեղ էին այն բորբոքում: Ո՛չ հայ զանգրվածների աղիողորմ հառաչանքները, ո՛չ էլ համաշխարհային հասարականության մարդասիրական բողոքներն ու կարեկցանքը որևէ կերպ չէին թեթևացնում հայերի դժբախտ վիճակը: Ավելին, կլորպական տերությունների խոստումների սնանկությունն ու դիվանագիտական զանազան գործարքներն ուղղակի թե անուղղակի ազատություն էին տալիս սուլթանին, որը մարդասպաններին ոչ միայն չէր պատժում, այլև պարզեցնել շնորհելով, նոր հանցագործությունների էր մղում:

1890-ական թվականների ջարդերը թուրքական դահիճների արևմտահայության առաջին զանգվածային ցեղասպանության փորձն էր: Այդ ջարդերի հետևանքով զոհվեց շուրջ 300.000 հայ, համարյա այդքան էլ տարագրվեց, որից մոտ 100.000-ը անցավ Ռուսաստան, իսկ 150.000—200.000-ը՝ Եվրոպայի, Աֆրիկայի ու Ամերիկայի զանազան երկրներ: Արևմտահայության որոշ մասն էլ հարկադրված դավանափոխվեց, ընդունելով մահմեդականություն: Դանիացի ճանապարհորդ Բենիգսենը 90-ական թվականների վերջերին շրջելով Արևմտյան Հայաստանում, գրում էր, որ Դիարբեքի, Խարբեքի կուսակալություններում և Արաբկիր գավառակում կոտորածներից հետո շուրջ երկու հարյուր հայկական գյուղեր մահմեդականություն են ընդունել: Միայն Վասպուրականում դավանափոխված հայերի թիվը 1901 թ. կազմում էր «մոտավորապես 10—12 հազար»¹⁰⁹:

Համիդյան կառավարությունը բնաջնջված և արտաքսված հայերի տեղում բնակեցնում էր մահմեդական տարրեր, գլխավորապես քրդեր ու մուհաջիրներ (Բալկաններից ու Կովկասից եկած թուրքեր, չերքեզներ ու չեչեններ): Ա-Դոն վկայում է, որ Հայոց Ձորում քրդերը հաստատվեցին գլխավորապես 1896 թ. կոտորածներից հետո: Խոշոր ու Ոստան գավառակներում լեկա դար առաջ ապրում էին բավական թվով հայեր, այժմ... նրանց տեղը բռնել են... քուրդ տարրերը: Մուշի դաշտի 21 գյուղերում 1889 թ. 117, իսկ XX դարի սկզբին՝ արդեն 554 քրդական տնտեսություն կար: Բաղմաթիվ շրջաններ, որոնք մի ժամանակ բնակեցված էին հայերով, այժմ կամ ամայացել են, կամ դարձել քրդաբնակ ու թուրքաբնակ բնակավայրեր¹¹⁰:

90-ական թվականների ջարդերից հետո ավելի սաստկացան արևմտահայ բնակչության, հատկապես գյուղացիության ազդային ու ոռոգիալական ճնշումները: Թուրքական կառավարությունն արևմտահայերի ազատագրական շարժումները բնում խեղդելու համար երկրի մի շարք շրջաններում հիմնեց զորանոցներ ու ստեղծեց ավազակային կազմակերպություններ: Իսկ

108 Նույն տեղում, էջ 144—145:

109 «Թաքեր Ծրանի համալսարան», 1959, № 2, էջ 105 (Ա. Համբարյան, Արևմտահայերի թվաքանակի հարցի շուրջը):

110 ՏՖՍ Ա-Դո, Վանի, Բիթլիսի և Էրզրումի վիլայիթներ, էջ 183:

քուրդ աղաները, սգովելով սուլթանի հովանավորությունից ու պաշտպանությունից, ինչպես կոտորածների տարիներին, այնպես էլ դրանից հետո բռնազորավեցին հայկական հողերը և դարձան ընդարձակ կալվածքների տերեր։ Աղլեհազում հռչակվեց Քոռ Հյուսիսի փաշան, Արճեհում՝ Նրա ազգակից էմին փաշան, Խիզանում՝ շեյխ Սեիդ Ալին, Կարճկանում՝ Մուսա բեյը, Խարզանում՝ Բշարե Չաթն, Շատախում՝ Շաքիր աղան, Զիսուրում՝ Կասրմ (Ղասրմ) բեյը, Դիարբեքիի հարավում՝ Իբրահիմ փաշան և շատ ուրիշներ¹¹¹։ Այդ փաշաներն ու աղաները միաժամանակ իրենց իշխանությունը տարածեցին Ֆեոդալական կախումից տակավին ազատ արևմտահայ գյուղացիների վրա և դարձրին նրանց իրենց ճորտերն ու կիսաճորտերը։ 1900 թ. վ. Տ. Մանկին նշում էր, որ վանի նահանգում «վերջին երկու տարվա իրադարձությունները բազմաթիվ հայկական գյուղեր, հատկապես առանձին օկրուգներում, դրեցին տեղական քրդերից (իմա՝ ցեղապետերից) ուղղակի ենթակա դրության մեջ»¹¹²։ Ա-Դոն ջարդերից հետո ընկած ժամանակաշրջանը բնութագրում է որպես «լուռ» ժամանակաշրջան, որի ընթացքում տեղի ունեցան այնպիսի բռնություններ և հարստահարումներ, որոնք «միանգամայն մոռացնել տվին նախկինը... Այդ լուռ շրջանում... յուրաքանչյուր գյուղ, որ մինչ այդ ազատ էր մնացել աղայից կամ բեկից, եկավ այս կամ այն ազդեցիկ քուրդը... և իրեն հայտարարեց այդ գյուղի աղան կամ բեկը... տարրական պարտականությունը դարձավ ձրի վարել, ցանել աղայի հողերը, հնձել արտը, ծեծել ցորենը, դաշտից տուն բերել խոտը...»¹¹³։

Թուրքական կառավարությունն ու աղաները բնաջնջելով ու արտաքսելով հայ գյուղացիներին, նրանց ժողովող դաշտերը վեր էին ածում արոտավայրերի և այգիների երկրի գյուղատնտեսությունը հոտ տանում ղեպի հետամնաց ավատատիրության։

Այսպիսով, թուրքական կառավարության որդեգրած ցեղասպանության քաղաքականությունը, դաժան հալածանքներն ու ճնշումները երկիրը հասցրին քայքայման ու կանգնեցրին տնտեսական ու քաղաքական խորը ճգնաժամի առջև։

7. ՀԱՅԿԱԿԱՆ ԶԱՐԴԻՐԸ ԵՎ ՄԵՆ ՏԵՐՈՒԹՅՈՒՆՆԵՐԻ ՔԱՂԱՔԱԿԱՆՈՒԹՅՈՒՆԸ

90-ական թվականներին սուլթանական Թուրքիայում ստեղծված հայ ժողովրդի ֆիզիկական ոչնչացման վտանգը հետևանք էր մեծ տերությունների թողտվության պայմաններում թուրքական կառավարության շովինիստական քաղաքականությունը։ Սուլթանը առաջին հերթին խնդրի դրեց, մեծապետական քաղաքականություն վարելով, հայ ժողովրդին տնտեսապես քայքայել և ազգային խտրականության միջոցով նպաստել թուրք ու քուրդ ավազանու հզորացմանը։ Թուլացնելով, ունեղրկելով, դանդաղածային ջարդեր կազմակերպելով, սուլթանական կառավարությունը հետապնդում էր միաժամա-

¹¹¹ Տե՛ս Ա. Ս. Համբարյան, Ազարայի հարաբերությունները Արևմտյան Հայաստանում (1856—1914), էջ 200—216։

¹¹² В. Т. Маевский, Ванский вилайет. Военно-статистическое описание, Тифлис, 1901, стр. 188.

¹¹³ Ա-Դո, նշված աշխ., էջ 320—321։